

西湖志纂

卷之一

御製詩

丁丑年作

入浙江境

輕舟曉日別吳門川路溪煙漾晏溫柳葉青籠雞犬社
菜花黃入苧蘿村連疆頓覺民風異轉壑都關吾意存
恩已沛寧無待沛疇咨大吏悉心論

至杭州行宮駐蹕八韻

塘棲朝啟蹕寶慶午維舟策馬武林入觀民文教修湖

西湖志纂

卷一

山重到識衣食永圖求曰庶誠堪喜思艱轉益愁遇災

憐靜待

乙亥秋歲遭歉救杭人惟靜候賑
卹未嘗以菜價騰踊越分妄干

救急悉心謀

旋轉叨

鴻造歡欣迓六駟繩先期展義祝嘏願添籌卽漸臨明聖幾

閒擬暢遊

乾隆丁丑仲春南巡再依

皇祖吳山詩韻

早畢重臨明聖湖吳山先此陟雲衢萬家煙火滋繁庶
足食足衣慎後圖

瑞石古洞

天目東來走溟海龍飛鳳舞勢竒駭吳山控江爲最竒
瑞石竒擅吳山最我昔未遊今遊初谿訝藁葬真仙都
拾級不辭百步峻乘興安用輕步輿興亦不可窮竒亦
曷有限徒因剏覽一憑欄率費中人十家產

飛來石

飛來峰頂一拳石從彼飛來忽住此殊形詭態信翩翹
景純未得窮其理

詣聖因寺

西湖志纂

卷一

二

皇祖神御殿行禮

明聖茲重攬

卷阿昔剏畱敢云繩

祖武惟賴

貽孫謀家法勤宵旰民艱體豫遊一湖春水碧常共

聖恩流

題西湖十景疊舊作韻

蘇隄春曉

重來民氣幸新蘇災後欣堪葺屋廬此是春巡第一義

遊隄寧為玩西湖

柳浪聞鶯

虛傳公子號衣金不見聞聲綠樹深我豈戴顛閒逸者
雙柑無復往尋林

花港觀魚

玉泉空說魚稱錦

玉泉觀魚蓋西湖新增之景名也

蕉石還隣港號花

此處近丁家山又名蕉石鳴琴

名色任增新點綴躍潛終讓舊風華

曲院風荷

嫩芷新蒲始漾風那看綠水植花紅笑予卻是拘名象

西湖志纂

卷一

三

杏雨桃霞豈不同

雙峰插雲

南峰若仰北峰垂呼吸相通練色披入影澄波渾一合
湖心亭上會心時

雷峰西照

峰峰夕照都奇絕十景惟斯舊擅名所惜堵波登未得
付他高矗晚霞橫

三潭印月

塔影雖三月一輪是三是一是金身誰能識得金身幻

可向潭前悟淨因

平湖秋月

綺榭紗疏虛碧油春蟾漪影惠風柔已看煙景清諸慮
豈必秋輪始勝流

南屏晚鐘

湖山四面畫爲屏合有鐘聲警衆聲唐宋至今諸物改
霜天惟此未曾更

斷橋殘雪

斷橋佳趣屬三吳春景澄觀頗亦如積素明占芡麥好

西湖志纂

卷一

四

農民歡喜迓巡輿

淨慈寺瞻禮

峰色湖光萃美處金繩紺宇此間開絕無塵相染初地
定有天花落講臺况爲祝

釐伸衆願豈緣問景偶閒來

慈寧壽比淨慈壽稽首我聞如是哉

表忠觀

故里依桑梓崇祠舊表忠端因識時務可以號英雄牛
斗猶無字江湖終向東勗哉錢氏族百世守家風

題漪園

峰分南屏峰水占西湖水竹閣與柏堂或自蘇詩擬明
聖景無邊左右逢源取叶維舟一榻覽位置殊清美兩
字題漪園記予初到此

上天竺

竹泉深秀處梵宇若天成亦自莊嚴相而無塵俗情此
中消萬慮誰道認三生小憇鳴鞭去行雲出岫輕

湖心亭

春雨連宵傍曉晴進舟宛在小蓬瀛千重水樹印葱翠

西湖志纂

卷一

五

四面雲嵐互送迎那有波濤驚俗眼每因淡泊悅神情
湖光設擬明如鏡此是中心純粹精

題林逋詩帖真蹟用卷中蘇軾書和靖林處士詩後
韻

好春重至西湖曲不愛山青與水綠所愛別館近林家
步步遠塵樹樹玉設云處士今在否我知斯人未免俗
新得先生遺墨妙日觀不厭繼以燭五詩神合暗香句
清峭雄渾無不足宜令東坡拜下風健筆藏筋詎豐肉
馬遷死後良史無峰色湖光皆實錄即景合璧詠雙絕

和吟豈謝巴人曲兩賢同得社而登往往叢祠倚松竹
所惜潛亦箇中人遥遥祇享柴扉菊

放鶴亭

孤山山北勝湖濱云有林家處士墳自是傲時尚高逸
豈關綴景事華紛桑田海水殊當代鶴子梅妻屬此君
整對拈毫非不可慮無佳句繼餘芬

吟香別業

亭臺勝蹟號勾畱義取樂天戀此州

前巡撫范承謨別業取白樂天詩句

題曰勾畱處在孤山之南地方大吏重修以其多荷易以今名

固惜湖山聽荒廢也嫌

西湖志纂

卷一

六

官吏太搜求設厯民瘼皆如是斯慰吾心又底憂小坐
不因賞煙景題詩用戒保釐儔

題黃龍洞

欲攬棲霞峰取道黃龍洞雲根殊峭蒨有泉出嵌孔云
昔僧慧開卓錫處所湧因移吳興名名此山巖從攀陟
窮其幽竹樹紛鬱翁千年紫藤花穗穗風吹動天地方
半畝印月不可攏月即太古鏡池即丹砂瀆宜置世外
人邱壑書數種不出戶庭讀奈予去倥傯

黃龍洞壁摩厓

誰施月斧開山石好相莊嚴調御人倚壁恰看飛四柱
真成一笠益金身

紫雲洞

昔向畫中讀今從畫裏遊是日頗暄熱入洞涼風颭棲
霞行舉步黃龍漫回頭非我屢耽詠率以記里郵

清璉寺觀魚疊舊作韻

煙輕春雨後暇值萬幾餘載禮金光佛因觀青色魚生
機益翰墨樂意映襟裾怪底叅軍羨還勞開士如新題
看燈畫舊句讀碑書漫說重來約猶今視昔歟

西湖志纂

卷一

七

韜光寺

雲林別室小徜徉深秀真稱委宛藏兩寺由來分一寺
湖光無際接江光竒松詭石天然靜澗草山花自在芳
不辨北高峰下路碧琅玕表轟蒼蒼

飛來峰歌

我欲靈隱陟高峰經茲且漫窮窈窕三十六曲既盤降
韜光菴已散幽抱竒境當面竟失之山靈或我粗踈笑
叶辭騎屨步聊爾爲乘興何必拘葩瑤十億化身棲碧
巖法華國土奚能考一佛一樹經所云非色非空誰則

曉是時雨後幻陰晴洞中鍾乳垂津寶便當擺脫六根
塵如是法味餐以飽而我先憂後樂人與佛有緣無就
道作歌亦如慧理歎傳名而已堪絕倒

自蘇隄跋馬至聖因行宮

山居乘興憇畱餘泉白峰青可悉諸卓午沿隄策歸騎
為因封奏達中書閣報間二日一發是日應至

蘇隄桃李畧過時油菜裳裳花正蕤分付從人戒蹂躪
吾民衣食此深資

雙湖夾鏡六橋橫隄上鳴鞭散意行耕織圖邊渾似此

西湖志纂

卷一

八

偶因北望憶昆明

昆明湖做此為六橋橋外即耕織圖育蠶種田處也

罷漁

石湖畧觀魚少觀旋即罷西湖並弗觀意亦故有在彼
非出本浦移放由官買其利仍民得畧觀當無礙叶究
以事弗實作歌戒寮案此則湖中物民業各分宰聞為
備水虞數日禁捕採厥牛未蹊田奪之固無罪長官在
愛民此事吾弗解救漢瀑縱縱吉林流浼浼何漁未曾
經藉此區區乃罷禁付之民網鬻資三倍

水樂洞

水樂探幽洞，鉤鏗果異常。盡消諸慮處，繁會八音場。非竹還非革，中宮亦中商。妙張洞庭趣，何必問東陽。

戲題虎跑泉

跑出清泉虎避居

是泉雖名虎跑而山中本無虎也

祇園想像得名初

宗風信有能降者，苛政將毋更猛於一帶。厓懸鍾乳滴，千年藤綴石華踈。色聲香味觸都靜，便試茶甌亦緒餘。

觀採茶作歌

三月初二日

前日採茶吾不喜，率緣供覽官經理。今日採茶吾愛觀，吳民生計勤自然。雲棲取近跋山路，都非吏備清蹕處。

西湖志纂

卷一

九

無事迴避出採茶，相將男婦實勤劬。叶嫩莢新芽細撥挑，趁忙穀雨臨明朝。雨前價貴雨後賤，民艱觸目陳鳴鑣。由來貴誠不貴僞，嗟哉老幼赴時意。弊衣粗食曾不敷，龍團鳳餅真無味。

閱海塘作

騎度錢塘閱海塘，閭閻本計

聖謨長

雍正年間海潮直逼北岸大為杭嘉湖郡縣之患皇考特命大臣鳩工築塘以捍之潮頭遂漸徙南

岸海寧一帶沙漲數十里迄今廿餘年錢塘永固民安其業長江已輯風兮浪萬戶

都安耕與桑南北由中賴

神佑生靈永奠為民慶漲沙百里誠無事莫頌惟增敬不

遑

觀江潮作歌

樓名望潮江岸傍既到弗登有底忙登矣不俟潮一望
殺風景事誠何當哉生魄為潮盛候因緣恰值聊相佯
是日未刻潮應至歷申那見潮乘江駕山張蓋徒想像
詩消醮退真荒唐江山小船迎潮慣船名出江山縣地
方吏備迎潮者用
之解嘲畧仿羯鼓腔金支翠旗光錯落縱金擊革聲鏗
鏜俄頃江面潮亦至恬風輯浪非礮礮惟覺兩岸隱增

西湖志纂

卷一

十

溜賈舶好趁輕帆揚陽侯靜斂滄波細一霎依舊天水
蒼昔聞庖胥戰藉藉欺人慣是文人長或云乘輿百靈
護伍胥文種心早降土人謂潮頭奮振者為伍胥潮其
後如綿絮而少弱者為文種潮云
或云江走中壘後潮汐非比曩時強其然豈然付一笑
漲沙惟喜資耕桑

岳武穆祠

陣戰曾經兵法常紹興亦委設施方操戈不謂興張俊
納幣終成去李光何事書生叩馬首遂教名將飲魚腸
至今人恨分屍檣宰樹餘杭萬古芳

再至雲林寺

雲林舊日靈隱寺兩字

奎章

殿額高鶯石西來作屏幃浙江東去見波濤詩人誰則

如駱宋禪派他猶分濟曹香界若論真面目大都形迹
粕和糟

過靈隱至韜光

誰道我無戀韜光那幾盤滿山紅躑躅一路翠琅玕泉
不見頻響石如危轉安金蓮池半畝弗著釣魚竿

坐金蓮池上用白樂天寄韜光禪師韻

西湖志纂

卷一

十一

最愛翠鬟處因之白足家鳥啣飛葉竹魚上落溪花倡
和成陳迹林泉自道芽上人者箇在不領一杯茶

用韜光禪師答白樂天詩韻

苾芻林下剏開泉結得茆菴自在眠官舍何妨辭玉粒
山池好在種金蓮想他謝往招來日仍此行雲流水天
何藉海寧稱好古茗華重見碧峰前

詩為海寧查嗣琛書

琴臺

琴臺非子賤傳是米襄陽我不解攫醪春温即景償

小有天園

蔚然深秀秀而娟宛識名園小有天新筍紫苞雷後埭
落花紅織澗邊泉清幽最喜樹皆古點綴微嫌景勝前
新構御書樓固好揮毫卻愧米家顛

登六和塔作

初地詣堅固信心登窳堵二諦此俱融空色本無所三
明真淨域可以泯今古四天垂寶網落落聞鈴語五雲
糾扶蓋擁護龍象旅六鼈永負戴萬劫莫江淑七寶勝
莊嚴如是辦香炷層層標實詮七層皆辛未年所題扁額歷歷頻證
取江山識重巡歡喜生八部颺以細細風霏以纖纖雨

西湖志纂

卷一

三

造極朱欄扶曠覽供仰俯于已可忘憂于民那忘苦迴
首禮釋迦徒羨曾何補

杭州啟蹕迴鑿之作

展義原厯民瘼諏閭閻未覺異前遊時和歲美休過頌
小補粗安畧解憂間亦湖山頻愜賞翻惟絲管畧嫌稠
蠶忙候矣休因悞肯為宜詩鎮滯畱

臣謹按直省通志舊例均列繪圖於卷首不入卷數內以合左圖右史之義凡奉有

御製詔諭詩文皆尊為第一卷以示全志之綱領茲西湖志纂現將名勝分繪各圖自宜列於首卷至丁

丑年春重蒙
皇上省方幸浙

駐蹕西湖欽奉御製詩章謹依通志之例尊為第一卷弁冕全志嗣後

時巡即當依次恭紀仰見

聖天子績武勤民昭道法於天壤光麗湖山永永無極矣至清釐佔墾開濬西湖重關農田水利即觀潮

曠典殊恩仍照原體例增入各門以垂不朽云

西湖志纂

卷一